



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1861**

XLII. Albert, Herr von Mecklenburg, Stargard und Rostock, bestätigt den Verkauf des Dorfes Rosenow und mehrerer Seen an das Kloster Mariepforte für 250 Marck Silbers, am 25. April 1333.

---

---

**Nutzungsbedingungen**

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

XLI. Die Gebrüder von Kerkow schenken der Pfarrei zu Malendorp für den Pfarrer in Warte vier Hufen und mehre Neze für sonn- und festtägliche Messen, am 18. Juni 1332.

In nomine Domini, Amen. Quoniam, ut ait Apostolus, omnes ante Christi tribunal stabimus, redditori prout gessimus in corpore rationem, oportet, quod diem illam tremendam pietatis operibus prevenire, et ea nunc seminare in terris, que domino annuente mercamur metere tunc in celis. Nos igitur Petrus, Georgius et Thidericus fratres, dicti de Kercow, lucide profitemur harum testimonio litterarum, quod ob divini cultus augmentum salutemque omnium nostrorum progenitorum animarum et nostrarum libero et unanimi consensu dedimus et apposimus doti ecclesie in Malendorp quatuor mansos cum omni libertate, commodo atque fructu, cum pascuis, gramini-bus atque lignis, cum participacione quoad omnes fructus secundum numerum dictorum quatuor mansorum, prout incole ville dicte secundum numerum suorum mansorum hiis fruuntur, per dominum Johannem, nunc in Wartis plebanum et suos in posterum successores absque ulla contradictione ad infestacione tempore perpetuo possidendos, Hiis eciam sic ad dictos quatuor mansos spectantibus utendis et deportandis in loca dicto domino Johanni suisque successoribus expedientia et placentia omni inpedimenti genere proculmoto. Insuper apposimus dicte doti unum spacium in stagno nostro Cuftryn, quod vulgariter eyn were dicitur ad ponendos gurgites qui rufen dicuntur, et quatuor iactalia recia et unum rete, quod dicitur eyn stokenette, faventes et permittentes, ut dictus nunc in Wartis plebanus et sui in posterum successores, cuicumque placuerit, pro suo commodo officienda hec committant. Hec omnia atque singula dedimus et presentibus damus omni iure, quo supra, atque omni ecclesiastica libertate sine omni eciam nostrorum in posterum heredum aut successorum contradictione perpetue duratura. Pro hiis omnibus nomine elemosinarum sic apposis dictus plebanus in Wartis et sui successores per se vel per alium sacerdotem in sepedicta ecclesia Malendorp missas celebret omnibus sextis feriis diebus atque dominicis et festivis. In huius testimonium sigilla nostra presentibus iussimus apponenda. Testes dominus Petrus, prepositus sanctimonialium in Boyceneborch, dominus Gherke de Irkeffleve miles, aliique quam plurimi fide digni. Datum et actum Anno Domini MCCCXXXII in die corporis Christi.

XLII. Albert, Herr von Mecklenburg, Stargard und Rostock, bestätigt den Verkauf des Dorfes Rosenow und mehrerer Seen an das Kloster Marienpforte für 250 Mark Silbers, am 25. April 1333.

Nos Albertus, dei gracia Magnopolensis, Stargardie et Rozstok dominus, presencium tenore publice recognoscimus protestando, quod in nostra constituti presentia Copko, Conradus et filii Ghevehardi dicti de Valkenberghe, ac Otto de Wothenowe, nostri fideles, de nostro, heredum ipsorum ac omnium aliorum, quorum interest, aut interesse poterit, beneplacito et consensu vendiderunt, dimiserunt et animo deliberato resignaverunt viro discreto, preposito san-

ctimonialium in Boyceneborg totique conventui sanctimonialium ibidem, integram et totam villam Rosenowe cum omnibus distinctionibus et terminis suis ad ipsam ab antiquo pertinentibus, cum agris, cultis et incultis, pratis, pascuis, silvis et memoribus scilicet Keubroch, cum aquis, Aquarum decurribus et stagnis videlicet Gryben et Tzift, piscacionibus, viis et inviis, cum iudicio majore, videlicet manus et colli, ac minore, cum precaria, exactionibus, molendinorum vectura, utilitatibus, fructibus et suis attinenciis univrsis et singulis, pro ducentis marcis Brandenburgensis argenti necnon omnium predictorum proprietatem pro quadraginta marcis eiusdem argenti, ipsis, ut recognoverunt, integraliter perfolutis, temporibus perpetuis possidendas, et pro suis usibus libere ordinandas, prout hanc villam cum premissis utilitatibus dicti venditores hactenus liberius possederunt. Nos quoque ad utriusque partis instanciam ipsis preposito et conventui sanctimonialium in Boyceneborch predictis, hanc villam Rosenowe cum omnibus libertatibus, utilitatibus et distinctionibus modo, quo premittitur, contulimus earum servicio, et conferimus in hiis scriptis, tali nichilominus interposita condicione, quod dicte ville distinctiones et termini nostro adiacent dominio velut ab antiquo tam in longum, quam in latum, nec a nobis et heredibus nostris ac successoribus alienentur et minuantur; Et quod eciam omnes cause et querimonie ex hac villa et eius utilitatibus, attinenciis et distinctionibus emergentes et surgentes, que per dictos prepositum et conventum nequeant diffiniri et terminari, coram nobis et advocato nostro Stargardenfi in forma juris, et non coram domino extraneo decendantur, uel amabili compositione reformentur, — similiter etiam quod prepositus, qui pro tempore fuerit, et sanctimoniales in Boyceneborg, ac villani agros prefate ville colentes, ad ministracionem exactionum et preciarum prestacionem de hac villa Rosenowe et eius attinenciis univrsis, ut ceteri subditi vasallorum nostrorum proprietatem eciam suorum habentium bonorum, nobis et heredibus nostris obligentur et teneantur. In cuius testimonium sigillum nostrum presentibus est appensum. Testes sunt Wedegho de plote, Otto de Dewiz, Bodo et Nicolaus de helpede, Lyppoldus Bere et Albertus Warbach milites nostri, ac alii plures fide digni. Datum Quastenbergh, anno domini M<sup>o</sup> CCC<sup>o</sup> XXX<sup>o</sup> tercio dominica, qua cantatur Jubilate. —

XLIII. Das Kloster Marienpforte verkauft zur Dotation eines Altars in Granzee Gebungen aus dem Hufenzins und aus der Mühle zu Fürstenberg, am 23. Juni 1334.

In nomine domini, Amen. Ad perpetuam memoriam subscriptorum. Nos Oda, (abgekürzt von Odilia) dei gracia abbatissa, Yda priorissa, nec non totus conventus sanctimonialium in Boyzenburch, tenore presencium publice protestamur, quod cum devoti in Christo dominus Nicolaus, dictus Dyreke, sacerdos, nec non Gregorius de Borch, patruus eius, morantes in Granzoye, de novissimis suis cogitantes, altare quoddam in ecclesia parochiali antedicte civitatis Granzoye construxerint, et in honore beatissime virginis Marie ac omnium apostolorum fecerint consecrari, nos, huius salutaris operis cupientes esse participes, ad dotacionem eiusdem de communi et concordii consilio et consensu omnium nostrarum sanctimonialium, quarum interest vel interesse